

鞏縣志卷之四

鞏縣知縣李述武纂修

山川志

古書志山者莫古於山海經志水者莫詳於水經注
府志既仿二書志山川矣鞏邑山在南者與嵩對峙
而支幹自分在北者與邙連體而主名各別故標南
北山以經諸山治以西水盡入洛治以東水或入洛
以入河或徑入於河故標河洛以經諸水體例紀載
一仍施府志而稍加詳焉志山川

鞏南山

鞏縣志

第一冊

卷之四

山川

三十五

鞏南山之首曰轅轅山

明史地理志鞏縣西南有轅轅山上有關

方輿紀要轅轅山在鞏縣西南九十里其坂有十二

曲將去復還故名 左傳襄二十一年晉欒盈奔楚

過周王使候出諸轅轅註今河南府鞏縣西南有轅

轅山

按後漢地理志以轅轅屬偃師晉地理志以轅轅
屬登封惟明史及方輿紀要春秋彙纂以為屬鞏
縣蓋轅轅有古今兩道今道易在西隸偃古道險
在東隸鞏兩道交處隸登封山傍古道則全入鞏

轅轅東十里曰講山

山海經講山其上多玉多柘多栢有木焉名曰帝屋

葉狀 反 赤實可以禦凶郭注反傷 下勾也

施府志講山西接轅轅東走浮戲南與太室隔深澗
俗呼瓦屋川北下有洞俗呼百葉洞

按講山及後嬰梁郭注雖未指名鞏山然以經文考之自少室以東所次道里方位二山當在鞏縣

講山西北十里曰九山

水經注九山一名百稱山其山孤峯秀出嵯嶢分立
仲長統曰昔密有卜城者身遊九山之上放心不拘
之境謂是山也山際有九山廟碑云九顯靈府君者
太華之元子陽九列名號曰九山府君也南據嵩岳
北帶洛澗又有百蟲將軍廟碑云將軍姓伊氏諱益

鞏縣志

第一冊

卷之四 山川

三十六

字隴斡帝高陽之第二子伯益也

按九山廟碑金石攷以爲在登封據府志九山今名白雲山在鞏縣西南七十里有舊山廟坡蓋九舊音轉也更以碑文推之南據嵩岳北帶洛澗若在登封則與洛澗尚隔數山未確又九山東有嶺曰搖嶺舊志以爲宋置鐵冶於此九山西北有毫邱晉嵇含隱處直偃師西毫南殷人圓丘今爲鞏六莊九山抵洛澗爲禹封鄴城今羅莊

講山北迤西十里曰牛山

盧元明嵩高記太室後有小山名牛山其中多杏

按講山北嬰梁山北與霍山接體而牛山不見山海經府志雖疑即牛首而未嘗確指故但収嵩高記牛山而嬰梁則次霍山下

講山東十五里接開封界曰浮戲山

即方山府志一五至山舊縣志

山海經浮戲之山有木焉名曰亢木汜水出焉而北流注於河其東有谷名蛇谷上多少辛**郭注**少辛細

辛也 **水經注**羅水出方山 洛水注 方山即**山海經**所

謂浮戲之山也 洧水注

施府志汜水出浮戲東麓羅水出浮戲西麓

按鞏西南山西界休水東北界羅水其中但有講山等四山餘則連體浮戲綿亘鞏地大半

浮戲北二十里曰霍山一名天陵山亦曰東西青龍山

山海經注今平陽永安縣廬江濤縣晉安羅江縣河

南鞏縣皆有霍山爾雅大山繞小山為霍 **方輿紀**

鞏縣志

第一冊

卷之四 山川

三十七

要青龍山在鞏縣南四十里以在宋陵東得名

施府志浮戲北有雙峯高峙俗呼盤龍雙尖西北為

西青龍與東青龍異山合體中有慈雲寺寺前龍潭

北流為石子河西青龍有石人峰登峰見山脊環繞

如高墉中列數十峰皆攢秀獻奇于足下所謂大山

繞小山為霍也西卸北走為小青龍山盡處為牛頭

山真宗陵在其後徐仁旺與丁謂所爭牛頭山前後

即此非太祖太宗陵南之牛山宋史禮志又謂之卧

龍岡在永安縣東北六里岡北下有仁宗英宗陵東

青龍北下為鞏縣治西北為龍尾山

隋書地理志鞏縣有天陵山

文選注岳天陵詩序曰岳屏居天陵東山下河陽詩註

按天陵山見隋志鞏山無有大於霍山者即天陵也且文選注人多讀為天陵之東山下如是則曰天陵山東足矣不必曰天陵東山下也蓋天陵分東西如今人分東青龍西青龍者然宜作天陵東山之下方合或疑天陵即今伏兒山以山東天龍坡為証不知天龍坡入汜水不得為据且西征賦注岳家在鞏縣東正當青龍山下伏兒在鞏東南三十餘里盤亘半在汜水岳故居安得在其東

霍山西南五里曰嬰梁山

山海經講山北三十里曰嬰梁之山上多蒼玉錔于

元石郭注言蒼玉依黑石而生也錔于樂器形似椎

鞏縣志

第一冊

卷之四 山川

三十八

頭

施府志嬰梁在講山北牛山東與牛山中夾羅水水

出峽處謂之羅口

霍山西北十五里抵洛水曰黑石山

方輿紀要黑石山在鞏縣西南二十五里下為洛水

津濟處隋末王世充與李密相持世充夜渡洛水營

於黑石明日分兵守營自將精兵陳於洛北李密渡

洛逆戰而敗復渡洛趨黑石世充還為密所敗

霍山東北二十里曰龍尾山

方輿紀要青龍山尾接洛水者曰龍尾山在鞏縣西

三里

按龍尾繞縣西南特起一峯色類紫金曰紫金山稍東又一峯曰虎頭山順治初邑令吳三仁頭為南極山

霍山東北三十里曰伏兒山

舊縣志伏兒山在縣東南三十里

按伏兒無古名以縣志補之至光武左夫人土俗附會不見漢紀宜刪之

伏兒西北五里曰侯山

芥隱碑記漢王元奕隱於侯山景帝每徵不屈遂就

山封侯因以為名宋亮詩王奕拜隱侯 **盧元明侯**

山記漢有王元者隱於此山 **名勝志**侯山在鞏縣

鞏縣志

第一冊

卷之四

山川

三十九

東南二十五里漢有王彥者隱於此山就而封侯至

今指所居為王彥岷志謂之王亥山 **施府志**元奕

彥亥傳寫字譌耳至盧元明又以侯山為緱山于封

侯名山義不合 按侯山西北有青堆山其山四時蒼翠故名見舊志

侯山北橫抵成臯三十里曰橫嶺

方輿紀要橫嶺鞏縣東四十里接汜水界李密據興

洛倉隋遣東都兵討之 按綱目劉長恭帥步騎二萬五千討密陳於石子河

又使虎牢鎮將裴仁基自汜水西入以掩其後密分

兵伏橫嶺以待仁基 按綱目密選驍勇分為十隊六隊陳於石子河四隊伏嶺下嶺

下即橫嶺下也仁基失期不進屯於百花谷

按橫嶺雖非高山大阜東西橫拖如長虹自鞏至汜長三十里北多山凹李密伏兵處即此西南有崎嶇道通成臯道旁爲百花谷絕壑深澗亦險要之地

浮戲東迤北二十里曰石城山山半以北又曰趙封山

水經注石城水出石城山其山複澗重嶺欹疊若城

山頂泉流瀑布懸瀉下有濫泉東流洩注邊有數十

石畦畦有野蔬巖側石窟數口隱跡存焉而不知誰

所經始也又東北流入於汜水 **施府志**鞏東有老

廟山即石城山

李通志趙封山在鞏縣東南宋種茶於此封固其地

故名

鞏縣志

第一冊

卷之四

山川

四十

按石城趙封本一山但石城南半皆石崖峭壁不可種茶趙所封者在小龍池二天門外北麓二十餘里皆沃土宜茶今石碑尚存即茶樹猶有生者土人採之曰趙家茶山口一村落名茶店據此石城山半以北爲趙封而道元所謂石畦石窟皆傍水繞趙封也

鞏北山

鞏北山接優師界至鞏縣故城東北曰小平山一曰

崮邱

張平子東京賦王鮪岫居薛綜注山有穴曰岫王

魚名居山穴中長老言王鮪之魚由南方來出此

中入河水見日目眩浮水上流行七八十里釣人

之取之以 天子用祭其穴在河南小平山

按郡國志小平城漢縣廢址在今鞏縣西北有河津曰小平津所謂小平山者當以故城得名

水經注鞏縣北有山臨城謂之崆崙邱其下有穴謂之鞏穴言潜通淮浦北達於河直穴有渚謂之鮪渚爾雅邢疏河南鞏縣東北崖二山腹有穴舊注云此穴與江湖通鮪從此穴而來北入河西上龍門入漆沮 **方輿紀要**崆崙邱在今鞏縣西北三十里

按文選薛注水經酈注言王鮪穴居相類則小平崆崙宜為一山據爾雅疏二山腹有穴似鞏穴在二山之間不得以崆崙邱小平山為一山不知爾雅疏本作東北崖二山腹有穴古文二作下乃崖下山腹也蓋鞏故城在山上故目山穴為崖下而穴復入山腹中若作二山解不唯崖字無着而亦無二山同腹之理

鞏縣志

第一册

卷之四 山川

又按爾雅疏以為鞏東北指故城而言也方輿紀要以為鞏西北指今縣治而言也

小平山東北十五里曰大力山

石窟寺石刻宋西京鞏縣大力山淨土寺又金鞏縣

大力山石窟十方淨土禪師

大力山東迤北五里抵洛汭曰神尾山

方輿紀要神尾山在鞏縣北宋元豐初都水丞范子

淵議引洛入汴處 **施府志**神尾山為邨山盡處曰

神尾者神都山之尾也

按邨山入鞏東西僅三十餘里隨地異名得三山焉又按古尺短於今尺古尺當今尺六寸古六尺為步今五尺為步古三百步為里今三百六十步為里以古準今則古百里當今六十里志中紀

山里數俱以今里計前嬰梁山引山海經講山北三十里曰嬰梁之山今以嬰梁屬霍山下與講山中隔羅水相去不及二十里與古三十里正合附紀於此

河水

河水東過孟津入鞏縣界為小平津

名勝志郡國志云小平城漢縣廢址在今鞏縣西北有河津曰小平津即城之隅也 **施府志**小平城在平陰東北平陰在孟津縣故方輿紀要以小平城屬孟津不知小平平陰本非一地平陰故城在今孟津鞏孟接壤故小平城遂入鞏縣

按今鞏西北裴峪渡即小平津以裴平音近而訛見府志古蹟

鞏縣志

第一冊

卷之四 山川

四十二

又東過鞏縣故城北右得鮪水

水經注鞏縣北有山臨城謂之崙崖邱其下有穴謂之鞏穴潛通淮浦北達於河直穴有渚謂之鮪渚故河自鮪穴以上又兼鮪稱呂氏春秋稱武王伐紂至鮪水紂使膠鬲候周師即此 **施府志**鮪渚今已湮塞而河水舊兼鮪水之稱故著之

又東為五社津

方輿紀要五社津在鞏縣北五里大河東過鞏謂之鞏河有五社津更始將朱鮪守洛陽遣兵渡鞏河攻温又建武初遣將軍耿弇等軍五社津而使吳漢等

圍洛陽是也

又東過神尾山洛水自西南來東北流注之謂之洛汭
[水經注]洛水於鞏縣東洛汭北對琅邪渚入於河謂
之洛口自縣西來而北流注河清濁異流皦焉殊別
程大昌書譜洛既北入河河之南洛之北兩間爲汭
汭之爲言在洛水之內也渭水入河之間亦名渭汭
正其義也又洛水成臯西入河謂之洛汭即什谷也
[明史地理志]洛水舊經鞏縣北入河謂之洛汭亦曰
洛口嘉靖後東過汜水縣入河

[施府志]明史謂洛水過汜水縣入河者嘉靖後大河

鞏縣志

第一冊

卷之四 山川

四十三

北徙去洛口遠故洛水又東流乃入河今大河復南
徙洛水入河處在鞏東北界

又東過洛口柳泉水自柳橋出北流注之

[李通志]柳橋在鞏縣東 [舊志]柳泉在金溝正南

按柳泉水即洛口東金溝村所出之水也以泉畔
多柳得名泉在金溝南五里許有村曰柳源村

又東過成臯入汜水界石城水合汜北流注之

按石城水俗名玉仙河流二十餘里入汜水界北
流至成臯東入河故於汜界終記之

洛水

洛水東過偃師縣城南與鞏縣分水休水北流注之

[水經注]休水導源少室山西流逕穴山南而北與

室山水合水出少室北 南流注休水 水又
會南谿水發大穴南山北流入休水休水又西南北
屈潛流地下其故瀆北屈出峽謂之大穴口北歷覆
釜堆東蓋以物象名矣又東屈零星隰水流潛通重
源又發側緱氏原開山圖謂之緱氏山休水又逕延
壽城南緱氏縣治故滑費休水又西轉北屈逕其城
西又北流注於洛水

施府志酈注謂休水導源少室逕穴山南穴山者今
黃鹿崗也休水又左會南溪水發大穴南山大穴南
山者今偃師夾溝南山也至謂潛流地下故瀆出峽
歷覆釜堆東屈零星隰水流潛通重源又發今亦不
然蓋澗底多罅隙水流時有斷續道元據爾時所見
言之非休水有重源也

又東歷鄆中

水經注洛水東北歷鄆中水南謂之南鄆亦曰上鄆
逕訾城西司馬彪所謂訾聚也鞏洛渡水有鄆谷水
東入洛謂之下鄆亦謂之北鄆又有鄆城蓋周大夫
鄆肸之舊邑 **施府志**上鄆今羅庄以鄆肸子羅得
名也下鄆今孫家灣即鄆灣南北夾岸實一地今上
鄆隸鞏下鄆隸偃師

今羅漢寺水也其曰西北流白桐澗水注之水出嵩
麓桐谿者則今車園水也於白桐澗水又曰北流逕
九山東又北九山東谿水入焉水出百稱東谷者則
今嵯嶺水也九山東谿入白桐澗水在牛山西白馬
谿水在牛首山東南蒲池水在講山北皆在羅水西
南而羅水東北則青龍山自浮戲逆轉西北盤亘數
十里故羅水西北流乃入於洛

又東明谿泉水北流注之

水經注洛水又東明樂泉注之水出南原下五泉並
導故世謂之五道泉即古明谿泉也

鞏縣志

第一冊

卷之四

山川

四十六

春秋大事表賈辛軍於谿泉杜注鞏縣西南有明谿
泉

施府志明谿泉即稍柴務水程明道提舉西京竹木
務鞏之稍柴務亦屬西京也有數泉並導南原下側
洛水注之

又東北爲黑石渡

明史地理志鞏縣西南有黑石渡 **方輿紀要**黑石

渡在鞏縣西南二十五里下爲洛水津渡處隋末王
世充與李密相持充夜渡洛水營於黑石

又東北黃水自東南來西流注之

又東魏氏河北流注之

縣志魏氏河在縣東三里流入於洛

又東飲馬溝水自南來北流注之

方輿紀要飲馬溝在鞏縣東七里呂布軍虎牢飲馬
於此

按飲馬溝水出西橫嶺下經魯村西北流入於洛
方輿紀要以爲在鞏東七里即今七里舖西溝水
也地猶名
飲馬溝

又東爲神堤渡

李通志神堤渡在鞏縣東北

又東任村水自南來北流注之

鞏縣志

第一冊

卷之四 山川

四十九

方輿紀要元豐初范子淵議引洛入汴遣宋用臣等
相視興役自任村沙口至河陰縣瓦亭子達汴口接
運河長五十一里兩岸爲堤長一百三里

按任村今名任村溝其水
即府志所謂任村溝水也

又東北流入於河

水經洛水北入於河又東北流入於河**注**山海經洛
水成臯西入河是也謂之洛汭即什谷也張儀說秦
曰下兵三川塞什谷之口謂此也黃帝東巡河過洛
修壇沉璧受龍圖於河龜書於洛赤文綠字堯帝又
修壇河洛擇良議沉榮光出河休氣四塞元龜負書

背甲赤文成字遂禪于舜舜又習堯祀沉書於日稷
赤光起元龜負書至於稷下榮光休至黃龍卷甲舒
圖壇畔赤文綠錯以授舜舜以禪禹殷湯東觀於洛
習禮堯壇降璧三沉榮光不起黃魚雙躍出潛於壇
黑烏以浴隨魚以上化爲黑玉赤勒之書黑龜赤文
之題也故春秋說題辭曰河以通乾出天苞洛以流
吡吐地符王者沉禮焉又洛水自縣西來而北流注
河清濁異流皦焉殊別 施府志水經於洛水再言
入河似重出及舟下洛口見大河於上流分一枝與
洛爲迎合流東下乃入大河知古人紀載不虛也至

道元於河洛記圖書者九三於和山九水曰堯率舜
升於首山而導河渚有五老遊焉相謂河圖將來告
帝期知我者重瞳也五老乃翻爲流星而升於昴今
孟津負圖河是也於伊洛之交曰黃帝煞五牲醮大
魚始得圖書今洛偃界伊入洛處是也於洛汭記堯
壇歷叙黃帝堯舜受圖之事是圖書同出於洛口也

按府志以水經兩言入河謂舟下洛口見大河於上流分一枝與洛爲迎合流東下乃入大河知古人紀載不虛但分支或不常有謂洛入河清濁異流皦焉殊別嘗登什谷南山望洛入河處循河東注所謂北入河者洛水始入河之口清濁未交雖入猶未入也又東北流入河者洛水循河東流至洛口東與黃水相交處也 又按

又	以	修	赤	東	刻	黃	太	成	逕	刻	出	十	案
習	授	近	文	北	訛	近	歲	近	九	訛	蒲	四	下
堯	之	刻	綠	流	作	刻	庚	刻	山	作	字	同	保
禮	堯	訛	字	入	洞	訛	午	訛	東	長	案	原	洛
案	案	作	案	於	下	作	考	作	案	川	近	本	水
禮	近	循	綠	河	同	湟	元	卜	山	羅	刻	及	又
近	刻	即	近	案	盤	又	康	城	下	白	訛	近	東
刻	脫	作	訛	此	谷	東	二	太	近	桐	作	刻	逕
作	堯	議	作	九	水	北	年	歲	刻	注	南	城	肸
祀	字	七	篆	字	案	河	乃	在	衍	之	蒲	北	水
		政	修	原	盤	水	壬	戊	東	案	案	經	之
		之	河	本	近	發	子	案	字	密	近	蒲	舊
		度	洛	及	刻	南	也	此	有	有	刻	謂	邑
		案	壇	近	訛	溪	即	有	脫	卜	訛	之	訛
		七	擇	刻	作	石	古	脫	誤	成	長	池	字
		近	良	竝	鹽	泉	黃	近	者	刻	羅	水	如
		刻	議	訛	洛	案	水	刻	案	北	川	注	舟
		作		作	水	河	也	作	卜	流	案	之	刻
				經	又	近					南	此	

鞏縣志

第一冊

卷之四

山川